





原件短缺

缺 3-8 卷



周伯星

國欲昌周伯黃光

宋志曰周伯色黃潤而澤煌煌

然見則國昌

晉書曰周伯星黃色煌煌然所

見之國大昌




天堡星

國有喜天堡土流隊土

宋志曰天堡若流星而有音如

煙火至地如野鷄皆鳴所墜之

地有慶





格澤星



不種而獲格澤之氣類火

宋志曰格澤類炎火而色黃白

上銳下大起於地而漸見則不

有土切當有火災

晉書曰格澤狀如炎火大上銳

聲黃白見則不種而獲

含譽星



夷狄奉化含譽之熠若彗

宋志曰含譽光熠似彗見則人

君施孝德興禮樂而人民和夷

狄奉化則含譽射焉

晉書曰含譽光熠似彗則含譽

射



景星

景星如月而助月德厚合天

宋志曰景星主德厚見則其國  
大昌狀而半月主於晦朔助月  
為明或曰星大而中空發號施  
令合民心制禮作樂得天心也  
晉書曰景星如半月主於晦朔  
助月為明亦名德星天子至孝  
海內歡悅德潤八方

歸邪星

歸邪如雲而若星慶其歸國

宋志曰歸邪如星非星若雲非  
雲或主兩赤彗上向如張蓋而  
下有星相連

漢書曰歸邪如星非星如雲非  
雲

孟康曰歸邪星有兩赤彗上向  
如張蓋狀下連星出必有歸國  
之慶



孛星



妖星篇

人事有失乖氣致異

光芒四出者曰孛孛星為兵也

宋志曰孛星光芒四出本類彗

星小者數寸長橫天體大無光

假日為光所指隨日晨見則東

指夕見則西指

晉書曰孛星彗之屬偏指曰彗

芒氣四出曰孛又曰非常惡氣

之所生內有大亂否則外有大

兵

彗星



偏指如帚者曰彗彗星為喪也除

舊布新合謀闇蔽長星自三丈

以至橫天其形與孛星畧同而異

宋志曰彗星者古人為天教又

為天地之旗所以除舊而布新

也

晉書曰彗星所謂掃星本類孛

星小者數寸長者亘天見則兵

起大水



天棊星




歲星精變篇

天棊天槍之妖本類彗星而未銳  
東出為棊而主爭奪

晉書曰天棊星本類彗星末銳  
長三四丈出東北方主爭奪

天槍星



西出為槍而主捕制

甘德曰天槍星本類彗星末銳  
長二三丈出必有破國亂者




國皇星



國皇類南極而體大主寇難而為兵喪

宋志曰國皇大而赤類南極老人或去地一二丈如煙火主內寇難為兵喪若見東南急兵晉書曰國皇大而赤類南極主內難外有兵喪

天衝



天衝如蒼人而首赤為臣謀而主滅位


宋志曰天衝如人蒼衣赤首不動主滅位見則臣謀主武舉卒發

天子憂

晉書曰天衝如人蒼衣赤首不動主滅位見則臣謀主武舉卒發天子亡




蒼彗



蒼彗之妖占為不義此歲星之精流而為變者

蚩尤旗



熒惑精變篇

蚩尤類彗而委曲為旗帝將暴害而征伐不已

宋志曰蚩尤旗類彗委曲如旗旛長三丈或四望無雲而赤雲獨見如旗所見之方下有火兵起

晉書曰蚩尤旗類彗而委曲為旗見則王者征伐四方



昭明星



昭明如太白而光芒不行占以為起霸而或為起德

宋志曰昭明狀如太白光芒不行體大色白而有角如三足上有九彗見則兵大起天下有喪多變而大人凶

昭明如太白光芒不行以為起霸起德之兆

司危星



司危如太白而有目臣行主德而相國殘賊

宋志曰司危如太白而有目或數動而赤或大而白或芒大而有一毛兩角相抱所以平非也

晉書曰司危如太白有目出西方為爭爭之兆主擊強見則失

法



天欒星



天欒出西方而如劍枯骨籍籍而赤地千里

宋志曰天欒又名斬星彗出西方如劍長可四五丈主殺將又為其下內亂赤地千里枯骨籍籍然也

赤彗



五都滅亡彗星丹赤此熒惑之精流而為變者

宋志曰赤彗主滅五都



五殘星

填星精變篇

五殘上有五枝率亡毀敗

宋志曰五殘又名五鋒一本而五枝出東方類辰星而白或赤而中青氣如暈有毛五殘者五分也又為兵喪政在辰下或藩屏天子有急兵

晉書曰五殘類辰星主率亡為急兵

獄漢星

獄漢下有三星逐王兵起

宋志曰獄漢又名咸漢出北方青中赤表類辰星下有三星縱橫見則為兵天下有喪  
晉書曰獄漢星青中赤表下有三星主逐王出則兵起





六賊星




六賊為兵喪光動而赤

宋志曰六賊形如彗一曰類熒  
惑見南方赤大動而有光則為  
兵喪

晉書曰六賊大而赤動而有光  
或曰形如彗見則其分有兵喪

第星



第星類第殃占宿地

宋志曰第星本有星末類第見  
東南方出則其分受殃



旬始星

北斗



旬始近北斗而類雄鷄其怒如伏  
鱉而色青黑主亂兵且主改更為  
暴屍而為積骨

宋志曰旬始又名蚩尤出北斗

旁如雄鷄其怒青黑而象伏鱉

主兵亂主指橫見則為改更

晉書曰旬始出北斗旁如雄鷄

其怒色青黑象鱉主爭兵見則

臣亂

黃慧

忽爾黃慧見之當有女亂者矣  
此填星之精流而為變者

宋志曰黃慧見之主女亂




天狗星

太白精變篇

天狗星流止地類狗聲所墜如火衝天流血盈野伏屍滿谷

宋志曰天狗其星有尾旁有彗下如狗形又如奔星色黃有聲類狗

晉書曰天狗星色黃有聲其止地類狗所墜望之如火光炎炎衝天則見破軍殺將之兆




白彗

白彗橫天斬強是主此太白之精流而為變者





枉矢星




辰星精變篇

枉矢若流星而蛇行色蒼黑如  
有毛目反兵合射而謀誅以亂  
伐亂而臣酷

宋志曰枉矢方弩之象類大流  
星色蒼黑蛇行望之如有毛目  
長數丈

晉書曰枉矢類流星色蒼黑蛇  
行望之如有毛目長數丈類匹  
布著天見則臣謀反兵亦為以  
亂伐亂

黑彗



上有權謀黑色彗出

此辰星之精散而為變者  
其應以衝處則事舉



長短星

雜妖篇

長庚如布天鋒似鋒二星所見皆為兵喪



老子星

老子則溥溥然色白者兵大起  
宋志曰色白溥溥然所見之地  
為饑為凶為惡為怒又曰兵大  
起人主憂除舊布新明大者為  
客星與老子同占  
晉書曰老子星溥溥白色所見  
之國為饑為凶





蓬星

蓬星則熒熒然色青者穀不登


宋志曰蓬星大如二斗色白又曰色黃白方不過三尺如夜火之光多則四五少則一二或出西南長數丈左右銳出而見處其地受殃若出正東正南東北不旱即水五穀不成或如粉絮出北斗間為諸侯奪地

晉書曰蓬星大如二斗器色白星不見出三年有亂臣

燭星

燭星上有二彗所見大盜不成

宋志曰燭星入太白而不行不久而滅或曰星上有二彗所燭地城邑亂若出東方兵戰不勝出南方亡地出西方其地有喪出北方色赤其地兵勝





濛星



濛星為亂也夜有赤色

宋志曰濛星一曰刀星夜有赤氣如牙旗或長或短四面西南最多亂之象也或遍天薄雲四方生赤黃氣長三尺乍見乍沒尋皆消滅見則兵起大戰流血

白星



白星為喪也似星非星

宋志曰白星非星如星狀如削水主有喪



格澤氣

赤氣竟天格澤之氣伏屍之象  
流血之徵

宋志曰格澤氣赤如火炎炎衝  
天上下同色東西亘天南北可  
長四五里為兵起其下伏屍流  
血



客星體大

客星篇

非其常有是為客星  
體小去速者事微而禍淺

客星體小





客星芒角

芒角見久者事大而禍深

客星黃色

黃為土功而得地



客星赤色

赤為殺將而侵城

宋志曰客星赤而芒角其下破  
軍殺將侵城奪邑

客星青黑色

青黑則其下多病

宋志曰客星色青憂疾病色黑  
兵亡之象



客星純白色

純白則其分多兵

宋志曰客星色白其分有兵喪

周伯星枯黃色

周伯則其色枯黃兵喪饑饉



王蓬星

王蓬狀如粉絮饑險或兵

宋志曰星蓬如粉絮沸沸然主  
其下兵饑或喪又為白衣會色  
青熒熒然所見之地風雨不時  
蝗蟲焦枯而物不生

晉書曰蓬絮星色青而熒熒然  
見則風雨不節五穀不登

溫星

溫星之出四隅所生如風動搖而  
白色人饑大水而兵爭


宋志曰溫星色白而大如風動  
搖常出四隅東南則有兵將軍  
出于野出東北暴兵千里西南  
見其地兵喪並起西北見其地  
大水人饑饉



飛星

流星飛星篇

流星自上而下飛星自下而升所  
之之地曰有使所墜之下言有兵



姦事乃蛇行而曲曲  
怒氣則聲震而隆隆



奔星墜地


奔星所墜其下有兵

五星自流帝王不安其位眾星若  
流則將相並舉其兵




飛星異狀篇

然曰飛流過大則異  
如桃則為使行  
如菟則謀爭起



白色橫天者將相當之  
白氣曲橫者斬奪爵位





擡頭而上下者此謂降石而饑  
荒



有啄而赤黑者名曰梁星而  
失地







白若周天為查山兵戰流血於  
隕墜




白化為雲者名天滑流血積  
骨於飛流





色白而前卑下者所之削邑



色赤而光照地者所往有兵



敵營

我軍

有謀策則星自敵來


兵敗則星投於壘







將軍均疆割地縵縵委曲




帝王發使慰勞散為八角




照地而流四方者五穀不登

有光如疋布者以色占異







其國兵起則星光而青赤



衆庶流徙則星飛而反行



星隕于地

隕星書見篇  
民離叛兮星隕於天  
天下亂兮星隕於地


星隕為石

列宿所墜其下國亡  
星隕為石流血兵起



星墜化為龍形

墜而有如人言者善惡如其言  
墜而化為龍形者將有哭泣事



星墜為獸

為獸則國兵亡  
為土則天下大水





星墜化為金鉄

化為金鉄亦主兵凶  
變作草木干戈在國



星墜為人形

墜為人形粟麥飛虫皆為水旱  
兵饑大起

墜照人有聲如雷為大戰覆  
軍而流血

夕見則臣有陰謀

夕墜則其下兵疫






星晝流而光耀橫天

星晝流而光耀橫天誅忠良而

臣下謀議


晝出而與日爭光主兵喪而傷

大水



若六七八九皆晝見墜地為喪  
旱兵饑而軍憂逼殺






營頭如壞山以墜軍大流如雷  
而晝出所墜有大戰而拔城有  
覆軍流血而積骨

宋志曰流星晝墮曰營頭有聲  
如雷火照人野雉皆鳴群鳥盡  
驚

晉書曰營頭有雲如壞山以墜  
所墜之下有覆軍流血千里



天子氣外黃內赤上達於天  
天元玉曆祥異賦卷之十  
帝王氣篇

天子之氣外黃內赤氣多上達  
於天見必在於王日

宋志曰凡天子之氣內赤外黃  
或亦如龍所發之處當有王者  
晉書曰天子氣內赤外黃四方  
所發之處當有王者天子欲遊  
往處其地亦先發此氣

隋書曰天子氣上達于天以王  
相日見



天子氣亦如龍鬱鬱然衝天或如龜鳳龍馬人虎兮鬱鬱然

雜色衝天

宋志曰或如龜鳳人虎有五彩及營上氣如龍馬或雜色衝天皆帝王之氣

范增曰項羽在鴻門吾使人望沛公其氣衝天五色相繆或似龍似虎似人此非人臣之象也



天子氣如城門高樓森森然或如城門高樓困倉兮森森然

恒帶殺氣

晉書曰天子氣如城門隱隱在氣霧中常帶殺氣森森然

宋志曰或如城門如高樓或如萬石倉隱隱在雲霧中皆常帶殺氣森森然





天子氣如華蓋

或氣霧隱華蓋之形

晉書曰天子氣如華蓋在霧中



天子氣五色如山鎮

或五色如山鎮之勢

晉書曰天子氣或有五色多晨

昏時見

隋書曰天子氣如山鎮之勢

兵書曰天子氣五色如山鎮





天子氣如青衣人垂手日西  
或象青衣人垂手在日西皆  
帝王起德遊幸之符瑞



猛將氣赤鬱鬱然與天連

猛將氣篇

名將之氣鬱鬱然與天連

宋志曰九氣上與天連軍中有  
名將

隋書曰猛將氣其色赤上與天  
連軍中有賢將



猛將氣勃然如火煙




猛將之氣勃然如火煙

· 晉書曰猛將之氣如火煙

兵書曰猛將之氣勃然如火

煙

猛將氣內白而赤氣繞外內白而赤氣繞外



宋志曰內白氣外赤氣繞之


京房曰猛將之氣內白而外赤

氣繞之



猛將氣中黑而赤氣在前

宋志曰敵上氣黑中而赤氣在前者將精悍不可當



猛將氣森而作虎

森森如龍而作虎

宋志曰如龍如虎在殺氣中為

猛將若無所動必有暴兵起

京房曰猛將及暴兵氣如獸在

殺氣中

晉書曰猛將之氣如猛獸





猛將氣變作山


漸漸如雲變作山

宋志曰或氣發漸漸如雲變作

山形將有深謀

京房曰敵上有此氣不可擊若

在吾軍上速戰大勝



猛將氣如交蛇

形如交蛇

宋志曰有交蛇氣在吾軍上戰

必大勝

乙巳占曰猛將氣如交蛇者其

將猛





猛將氣如張弩

勢似張弩

抱朴子曰猛將之氣如火大勢  
若張弩



猛將氣色白而困倉

或白如粉絮困倉

宋志曰氣白如粉絮或白如困  
倉正白曰逾明皆為猛將之氣





猛將氣色黑而山林竹木

或黑如·林竹木

晉書曰猛將氣其黑如山林竹木



猛將氣紫黑如門上樓


或紫黑如門上樓

晉書曰猛將氣黑如門上樓上亦下黑





猛將氣赤黑如旌旗舉



或赤黑旌旗舉竝為勇將  
強卒亦主深謀遠慮

宋志曰已上竝為猛將之氣將  
軍勇士卒猛或將有深謀在敵  
上不可擊在吾軍速戰吉







